



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

**Luxemburgi, 1748**

CCLX. Confirmatio Decreti Congregationis Indulgentiarum, Sacrarumque  
Reliquiarum, quo declaravit non spectare, non spectasse ad Episcopum  
Terulensem facultatem benedicendi scapularia, seu parvos ...

---

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

1739.  
Acti Collegii Nobilium privilegia competere accedendi ad Capitulum Generalia.

Mediolanen. an. 1737. celebratum fuit, in cujus celebratione ad instantiam dicti Josephi Mariae duo super unionis, & incorporationis dictorum Collegiorum concessione, fuerunt proposita dubia, nimirum an Collegium Imperiale Nobilium Mediolani erectum, inter alia Collegia dictae Congregationis enumerandum esset, & an Rectori dicti Collegii concedendum esset privilegium accedendi ad Capitulum generale. Super quibus responsum fuit affirmative prout ex particula Actuum Capitularium, tenoris, qui sequitur videlicet: Feria V. die 16. Maii 1737. Praeside annuente R. P. D. Marius Maccabei primus Promotor legit supplicem libellum porrectum a R. P. D. Josepho Maria Olivazzi etiam de consensu, & nomine aliorum PP. in Collegio Imperiali Longonoseo secum commorantium, in quo petebatur, ut Collegium illud hoc anno sufficientibus redditibus in perpetuum firmatum inter alia Congregationis nostrae collegia recenseretur, & Rector pro tempore Juribus omnibus, ac privilegiis Bononiensis Poenitentiarum Rectoris gauderet; Cumque dictum fuerit supplicem libellum duas petitiones omnino distinguendas continere, utpote quod secunda majore indigeret consideratione, ideo primo facta fuit haec propositio: Proponitur an Collegium Imperiale Nobilium Mediolani erectum, & modo in perpetuum firmatum enumerandum sit inter alia Collegia Regularia Congregationis nostrae sub titulo Rectoriae: Et datis calculis Propositio fuit admissa: Secundo facta fuit haec altera Propositio: Proponitur an Rectori praedicti Collegii concedendum sit privilegium accedendi ad Capitulum generale, & in eodem votum ferendi, & datis calculis conclusum fuit affirmative: Ego D. Vacentinus Viani Clericus Regularis S. Pauli, & admodum R. Patris Generalis Cancellarius suprascripta omnia fideliter extraxi, & pro fide me subscripsi cum ejusdem admodum R. P. Generalis majoris Sigilli appositione loco † sigilli.

Provinciale perent.

§. 11. Cum autem, sicut eadem expositio subjungebat dictus Praepositus Provincialis praemissa quo firmius subsistant, & serventur exactius, Apostolicae confirmationis nostrae patrocinio communiti summopere desideret.

Praedicta omnia confirmatione Ap. roborantur.

§. 12. Nos ipsum modernum Praepositum Provinciale specialibus favoribus, & gratis profectui volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinatis, praesentibus conventionibus, & cessionibus inter praedictos Josephum Mariam Rectorem supradicti Collegii, & Deputatos Collegii fieri erigendi imitas a memorato Joanne Baptista Vicario Generali Archiepiscopi Mediolanen. in vim facultatis a praedicta Congregatione Cardinalium illi attributae cum omnibus, & singulis in eis contentis approbatas, & concessionem a dicto Capitulo Generali factam, ut praefertur, auctoritate Apostolica tenore praesentium confirmamus, & approbamus, illisque inviolabilis Apostolicae firmitatis robor adjicimus, omnesque, & singulos juris, & facti defectus, si qui desuper quomodolibet intervenerint, supplicimus, & sanamus.

Clausulae ad firmitatem, & observantiam inducendam.

§. 13. Decernentes easdem praesentes literas, & in eis contenta quaecumque semper firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & in futurum spectabit plenissime suffragari, & ab eis respective inviolabiliter observari, sicque in praemissis per quoscumque Judices Ordinarios, & Delegatos, etiam

Causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 14. Non obstantibus Constitutionibus, & Ordinationibus Apostolicis, necnon Congregationis, & Collegii praedictorum etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus & singulis illorum tenores praesentium pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Anno Picat. die 22. Maii 1739. Pont. nostri Anno IX.

Derogatio contrarium.

Dat. die 22. Maii 1739. An. IX.

Confirmatio Decreti Congregationis Indulgentiarum, Sacrarumque Reliquiarum, quo declaravit non spectare, nec spectasse ad Episcopum Terulensem facultatem benedicendi scapularia, seu parvos habitus B. Mariae de Monte Carmelo non obstante consuetudine, & aggregatos recurrere ad Superiores Ordinis pro nova aggregatione.

CCLX.

### CLEMENS PP. XII.

Ad futuram rei memoriam.

§. 1. Emanavit nuper a Congregatione Venerabilium Fratrum nostrorum S. R. E. Cardinalium Indulgentiarum, & Sacris Reliquiis praepositorum Decretum tenoris qui sequitur videlicet.

Congregationis Indulgentiarum Decretum.

§. 2. Beatissime Pater: Modernus Episcopus Terulensis humilissimus S. V. Orator pari humilitate eidem exposuit qualiter in Civitate Terulen. adest Conventus Monialium Discalceatorum B. Mariae Virginis de Monte Carmelo nuncupatorum, ac jurisdictioni Episcopali subiectarum, in quo ab initio Foundationis mos admissus fuit ubique in Hispania receptus, induendi nimirum Scapularia ab Episcopo uti a legitimo Superiore benedicta, sive cum ipsius facultate a Cappellano ordinario, ut usus fert, aliaque ita benedicta mittendi parentibus, propinquis, aut Benefactoribus laicis charitatis, aut gratitudinis officio, pia fide omnibus credentibus, Scapularia, quae ita benedictur, habere Indulgentias a Summis Pontificibus concessas eodem modo, quo ea, quae a Fratribus Discalceatis ejusdem Ordinis benedictur. Nuper autem cum praedicti Fratres in hujusmodi Civitate Terulen. fundaverint, nihil unquam super hoc actum, dictum, vel in dubium versum est: Sed cum paucis ab hinc diebus Prior in suo Conventu Sermonem Populo dicens non dabitaverit publice asserere nullis Scapularibus, nisi illis, quae ab ipsismet Fratribus benedictur, ulla Indulgentias competere, vel esse concessas, & aliter facientes, aut sentientes, deceptos esse; ne si hujusmodi propositio ad aures Monialium perveniat, praebat illis ansam dubitandi, seu fundandi serupulum circa hanc materiam, & praecipue circa validitatem Indulgentiarum. Idcirco humiliter S. V. supplicat, quatenus benigne declarare dignetur, Scapularia ab Oratore, uti a legitimo dictarum Sanctimonialium Praelato, & Superiore, vel ab alio Cappellano facultatem habente, benedicta, ut moris est, Indulgentias praedicto Ordini concessas sine ullo dubio habere, quae utique a gestantibus lucrari valeant, servatis alias servandis, quemadmodum sic diffiniri sperat in summa S. V. clementia. Quam Deus &c.

Episcopi Terulen. expositio.

1739.  
D. Congregationis Decretum.

§. 3. Die 22. Maii 1739. : Sacra Congregatio Indulgentiis, Sacrisque Reliquiis præposita declaravit, non spectare, nec spectasse ad Episcopum Terulen. facultatem benedicendi Scapularia, seu parvos habitus B. Mariæ Virginis de Monte Carmelo non obstante consuetudine, & aggregati recurrant ad Superiores Ordinis pro nova aggregatione. : L. Episcopus Albanen. Cardinalis Pius Præfectus. Loco † Sigilli. J. Archiepiscopus Tarfen. Secr.

Procuratoris Generalis Ordinis petitio pro dicti Decreti obtinenda confirmatione, quam elongatur Clemens.

§. 4. Cum autem sicut dilectus filius Vincentius a Conceptione modernus Procurator Generalis Ordinis eorumdem Fratrum B. Mariæ de Monte Carmelo Discalearum nuncupatorum Congregationis Hispaniæ Nobis nuper exposuit, ipse non solum Decretum huiusmodi, quo firmius subsistat, & servetur exactius Apostolicæ confirmationis nostræ patrocinio communiti, sed etiam ad quamcumque dubitationem, quæ fortasse futuris temporibus super facultate & participatione huiusmodi præcedendam exoriri, & excitari possit, facultatem benedicendi parvos habitus, sive Scapularia, quæ Christifidelibus distribuuntur, & ab ipsis ad finem lucrandi, & participandi Indulgentiæ a Romanis Pontificibus Prædecessoribus nostris illos, & illa gerere solitis concessas ad Superiores Ordinis huiusmodi spectare, & pertinere, per Nos declarari plurimum desideret. Nos specialem ipsi Vincentio Procuratori Generali gratiam facere volentes, & a quibusvis excommunicationis, suspensionis & interdicti, aliisque Ecclesiasticis sententiis, censuris, & pœnis a iure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus.

Declaratio, ad Superiores Ordinis private spectare benedictionem Scapularium.

§. 5. Ac insuper ad præcedendam quamcumque dubitationem futuris temporibus fortasse exoriantur, excitandamque super facultate benedicendi parvos habitus, seu Scapularia huiusmodi a Confratribus Confraternitatis sub Invocatione B. Mariæ de Monte Carmelo in quacumque mundi parte erectarum, & erigendarum, ac participatione Indulgentiarum, gratiarumque spiritualium per Romanos Pontifices Prædecessores nostros quibusvis Christifidelibus habitum, seu scapulare huiusmodi gestantibus concessarum ad Superiores Ordinis Fratrum B. Mariæ de Monte Carmelo, seu ad alios ab illis deputandos private spectare, & pertinere auctoritate, & tenore prædictis decernimus, & declaramus, salva tamen semper in præmissis auctoritate memoratæ Congregationis Cardinalium.

Clausula pro Decreti huius firmitate.

§. 6. Decernentes præsentis literas, in eis contenta quæcumque firma, valida, & efficacia existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, plenissime suffragari, & ab eis respective inviolabiliter observari; Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & diffiniti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Derogatio contrariorum.

§. 7. Non obstantibus Constitutionibus, & Ordinationibus Apostolicis, ac quatenus opus sit, Ordinis, & Congregationis huiusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Transumptis adhibenda fides.

§. 8. Volumus autem, quod præsentium literarum transumptis, seu exemplis etiam impressis manu alicujus Notarii publici subscriptis, & si-

gillo Personæ in Ecclesiastica dignitate constitutæ munitis, eadem prorsus fides tam in iudicio, quam extra illud ubique locorum adhibeatur, quæ præsentibus ipsis adhiberetur, si forent exhibitæ, vel offensæ.

Datum Romæ apud S. Mariam Majorem sub Annulo Piscat. die 12. Junii 1739. Pont. nostri Anno IX.

Dat. die 12. Junii 1739. An. IX.

Ut in Priorem Generalem Ordinis Eremitarum S. Augustini eligi possint ii, qui officium Procuratoris, vel Assistentis Generalis exercuerint, nulla expectata temporis vacatione.

COLXI.

## CLEMENS PP. XII.

### Ad futuram rei memoriam.

§. I. CUM alias nempe die 5. Februarii 1733. Nos Motu proprio, ac ex certa scientia, & matura deliberatione nostris. de qua Apostolica potestatis plenitudine statuimus, & ordinavimus, ne deinceps perpetuis futuris temporibus, ille ex Fratribus Ordinis Eremitarum S. Augustini, qui Procuratoris Generalis, aut aliquo quatuor Assistentium Generalium officio perfunctus fuisset, in Priorem Generalem ipsius Ordinis immediate, ac nisi prius ob officio huiusmodi per integrum sexennium vacaverit, seu cessaverit, ullo modo eligi possit, & valeret, & alias prout in nostris literis desuper in simili forma Brevis expeditis, quarum tenorem præsentibus pro plene, & sufficienter expresso, & de verbo ad verbum pro inserto haberi volumus, uberius continetur.

Alias declaratum a Pontifice Procuratorem, & Assistentes Generales eligi non posse in Priorem Generalem, nisi post sexennium vacationis officii.

§. 2. Nunc vero iustis, & rationabilibus ex causis Nobis notis adductis, motu, scientia, deliberatione, & potestatis plenitudine paribus, statutum, & ordinationem huiusmodi a Nobis, ut præfertur factam, expeditasque desuper nostras literas prædictas cum omnibus, & singulis in eis contentis quibuscumque tenore præsentium revocamus, cassamus, & annullamus, viribusque, & effectus penitus, & omnino vacuumus, ac ut in proximo futuro anno 1739. in Conventu S. Joannis Evangelistæ Civitatis Ariminens. prout in Capitulo anno 1733. celebrato statutum fuit, & in quibusvis aliis Capitulis generalibus dicti Ordinis pro tempore celebrandis tam moderni, quam pro tempore existentes Procuratores, & Assistentes Generales, nulla temporis vacatione expectata, necnon illi, & alii quicumque Ordinis prædicti Fratres expresse professi, cujusvis Nationis existentes, si ad id idonei ceteroquin reperiantur, & nullum aliud canonicum eis obstat impedimentum, servatis alias servandis ab illis, ad quos spectat, & pro tempore quodcumque spectabit, in Priorem Generalem dicti Ordinis assumi, & eligi, & sic assumpti, & electi Prioris Generalis huiusmodi officium suscipere, gerere, & exercere libere, & licite possint, respective motu, scientia, deliberatione, & potestatis plenitudine similibus harum serie decernimus, & ordinamus dictosque Fratres, qui quicquid ex officio huiusmodi exercuerint, in pristinum, ac cum, in quo antequam literæ nostræ prædictæ emanassent, erant statum, motu, scientia, & potestate similibus restituimus, & reintegramus, ac in posterum restitutos, & reintegratos esse volumus, & mandamus.

Dictam tollens declarationem quæcumque pristino restituit juri.

§. 3. Decernentes eadem præsentis literas firmas, validas, & efficaces existere, & fore, suosque plenarios, & integros effectus sortiri, & obtinere, nec de subreptionis, vel obreptionis, aut nullitatis vitio, vel intentionis nostræ, aliove quolibet etiam formali, & substantiali defectu notari, impugnari, infringi, retractari, in controversiam vocari, aut adversus illos aperiitionis oris, restitutionis in integrum, aliudque quodcumque

Sicque in perpetuum servari jubet.